



Tilleggsinnkalling Kommunestyret

Møtedato: 15.12.2022
Møtested: Austrheim samfunnshus
Møtetid: 15:00 - 22:00

Tidsplanen for møtet:

- Møtestart 15.00, startar med kulturinnslag
- Deretter orienteringar ved Barnevernet, og Nav
- Julemiddag klokka 17.00.

Forfall skal meldast til Servicekontoret t. 56162000/post@austrheim.kommune.no
Varamedlem møter berre etter nærare innkalling

Saksliste

Saksnr	Tittel
099/22	Permisjon frå kommunestyret ut valperioden - Marita Bru (Bygdelista)

Austrheim 14. desember 2022

Per Lerøy
møteleiar

Ketil Tjore
møtesekretær

Sakspapir

Saksnr	Utvalg	Type	Dato
099/22	Kommunestyret	PS	15.12.2022

Sakshandsamar	Arkiv	ArkivsakID
Ketil Tjore	FE-089, FA-B34	21/568

Permisjon frå kommunestyret ut valperioden - Marita Bru (Bygdelista)

Framlegg til vedtak:

Kommunestyret innvilgar søknaden frå Marita Bru, og gjev fritak frå kommunestyret ut kommunestyreperioden. Jan Erik Espelid er fast representant ut perioden.

Saksopplysninger:

Bakgrunn

Kommunestyrrerepresentant Marita Bru (Bygdelista) har etter søknad hatt fritak frå å møta i kommunestyret i 2022. Bru representerer Bygdelista for perioden 2019-2023, sidan mai 2020 som fast medlem i kommunestyret, men med fritak i 2022.

Ved søknad om fritak i 2022 viste Bru til høg arbeidsbelastning i samband med innkjøring av ny legepraksis, samt aktivitetar i samband med vidareutdanning i allmennmedisin. No søker Bru om å forlenga fritaket i 2023, ut kommunestyreperioden, og viser til høg arbeidsbelastning, og aktivitetar knytt til vidareutdanning i allmennmedisin.

Vurdering

Lovgrunnlaget som omtalar dette med fritak er:

«Lov om kommuner og fylkeskommuner (kommuneloven)» i 7-9. Uttreden og fritak»

... Hvis en folkevalgt ikke kan ivareta vervet sitt uten at det fører til vesentlig ulempe for han eller henne, kan kommunestyret eller fylkestinget etter søknad frita den folkevalgte for vervet midlertidig eller for resten av valgperioden. Når søknaden vurderes, skal det legges vekt på om grunnlaget for søknaden var kjent på det tidspunktet da den folkevalgte samtykket i å bli valgt....

Kommunelova er ganske nyleg fornya, og også punktet om fritak var gjennom ei omfattande vurdering. I Stortingsproposisjon 46 L (2017 – 2018) kan ein lesa vurderingane som er gjort for

lovteksten slik den er i dag. Om fritak er det i dette arbeidet sagt mellom anna:

Når det gjelder muligheten til å få fritak fra vervet når man først er valgt, mener utvalget at vilkårene fortsatt skal være strenge for å få fritak. Utvalget foreslår enkelte justeringer i utformingen av reglene for å klargjøre innholdet i vilkårene for å kunne bli innvilget fritak. Vilåret i dagens fritaksbestemmelse er at den folkevalgte ikke uten uforholdsmessig vanskelighet eller belastning kan skjøtte sine plikter i vervet. Hva som er uforholdsmessig vanskelighet er i stor grad skjønnspreget.

Det vil fortsatt være en skønnsmessig og konkret vurdering, men utvalget foreslår at vurderingstemaet skal være om ivaretagelsen av vervet fører til vesentlig ulempe for den folkevalgte. Utvalget foreslår videre at det ved vurdering av fritakssøknaden skal legges vekt på om grunnlaget for søknaden var kjent da den folkevalgte samtykket i å bli valgt. Forutsetning for fritak bør som hovedregel være at forholdet ikke har vært kjent for den folkevalgte på samtykketidspunktet.

Det er altså avgjerande for å gje fritak at ein vurderer at vervet som folkevald fører til vesentleg ulempe for representanten, at dette ikkje var kjent då vedkommande sa seg villig til å stå på liste, og at føresetnadene for fritak ikkje var til stades på det tidspunktet.

Situasjonen og vurderingane har ikkje endra seg sidan sist Bru fekk fritak, slik at det tilseier forlenga fritak.

Mot å gje fritak må ein vurdere om dette kan gje presedens. Det vil vera også andre representantar som har krevjande arbeidsoppgåver, og som må jobba mindre enn dei kunne for å kunna skjøtta vervet som folkevald.

Vidare er plassen i kommunestyret eit resultat av ein har lova veljarane å kjempa for visse politiske saker, og denne «kontrakten» mellom veljarane og representantane gjeld dei fire åra som valperioden varer. Alt dette talar for at lista må leggast høgt for å gje fritak, for ei avgrensa tid eller ut valperioden.

Men dersom ein skulle ha sagt nei til søknaden om fritak, måtte det også betydd ein mykje strengare praksis for vurderingar kring fritak for enkeltmøte. I dag er det krav om å melda frå skriftleg på førehand om ein ikkje kan møte, slik at det er mogleg å kalla inn vara. Men det er ikkje stilt særlege krav til å grunngje fråfallet.

Jan Erik Espelid har møtt som Bygdelista sin faste representant i 2022 (og ein del møte som vara før det). Administrasjonen har vore i kontakt med Espelid, som synest det er meir ryddig å vera fast møtande enn vara frå gong til gong.

Konklusjon

Kommunestyret innvilgar søknaden frå Marita Bru, og gjev fritak frå kommunestyret ut kommunestyreperioden. Jan Erik Espelid er fast representant ut perioden.